

Den nasjonale trosopplæringsplanen, *Gud gir – Vi deler*, gjelder for alle døpte barn og unge i Den norske kirke, også samiske. *Gud gir – vi deler* har en rekke henvisninger til ansvaret for å ivareta samiske perspektiver i trosopplæringen. *Plan for samisk trosopplæring* gir hjelp til å innholdsbestemme dette nærmere, den er både et verktøy og et supplerende måldokument.


Dihete nasjovnale jaahkoeøhppehtimmiesojkesje, Gud gir – Vi deler, lea gaajhkide kristeme maanide jih noeride Dennie nørjen gærhkosne, aaj saemien. Gud gir – Vi deler gellie aejkies vuesehte dan deadtan juktie dejtie saemien perspektivide jaahkoeøhppehtimmesne gorredidh. Sojkesje saemien jaahkoeøhppehtæmman viehkehte sisvegem lihkebe moenedh, dahte lea dovne akte dørrege jih akte lissie ulmietjaatsege.

Nasjonálalasj jáhkkoåhpaduspládna, *Jubmel vaddá – Mij juogadip*, guosská gájka gástaduvvam mánájda ja nuorajda Vuona girkkon, aj sáme mánájda ja nuorajda. *Jubmel vaddá – Mij juogadip* vuoset moatten sajen ávdåsvásstádussaj bærrájgåhtset sáme vuojnojt jáhkkoåhpadusán. Sáme jáhkkoåhpaduspládna dán ávdåsvásstádusá sisanov snivábut tjielggi, dat le sihke vædtsak ja lasse ulmmedokumænnta.


Našovnnalaš oskkuoahpahusplána, Ipmil addá – Mii juogadit, guoská buot gásttašuvvon mánáide ja nuoraide Norgga girkus, maiddái sámi. Ipmil addá – mii juogadit plánas leat olu sajiin čujuhan ovddasvástádussii áimmahušsat sámi oaidninbeliid oskkuoahpahusas. Sámi oskkuoahpahusplána addá veahki mearridit dasa sisdoalu, dat lea sihke reaidu ja lassi ulbmildokumenta.



Samisk kirkeråd - Sáme girkkoráde
Saemien gærhkoeraerie - Sámi girkoráddi



**STØRST AV ALT
BUOT STUORÁMUS
GÁJKIN STUORÁMUS
GAAJHKESTE STØØREMES**



SÁME JÁHKKOÅHPADUSPLÁDNA



**NORGGA GIRKU
VUONA GIRKKO
NÖÖRJEN GÄRHKOE
DEN NORSKE KIRKE**

Samisk kirkeråd - Sáme girkkoráde
Saemien gærhkoeraerie - Sámi girkoráddi



Plan for samisk trosopplæring
Supplerende plan til Gud gir - Vi deler, Plan for trosopplæring i Den norske kirke

1. opplag

ISBN 987-82-7545-103-1

© Kirkerådet, Den norske kirke 2011

Bestilles fra www.kirken.no/materiell eller epost: materiell@kirken.no

Kan også lastes ned fra
www.kirken.no/størstavalt

Kirkerådet
postboks 799 sentrum
0106 Oslo
Tlf: 23 08 12 00

Tegninger og bilder:
Side 2, 22, 42, 62 – Illustratør: Ellen Sara Reiten Bientie

Side 8, 28, 48, 68 – Foto Berit Frøydis Svineng Johnsen

Side 12, 32, 52, 72 – Foto Karin Mathisen

Side 20, 60, 80 – Tegninger, 1-3 klasse ved Åarjel-Samiej Skuvle

Trykk: Nr1 Trykk Grefslie as, Mysen




SÁME JÁHKKOÅHPADUSPLÁDNA

Lasse pládnaj *Jubmel vaddá – Mij juogadip*, jáhkoåhpaduspládna Vuona girkkon

Sáme jáhkoåhpadusá ulmme le viehkev vaddet systemáhtalasj ja avtatraják jáhkoåhpadussaj mij båktå ja nanni risstalasj jáhkov, åhpat gålmaktes Jubmelav dåbdåt, viehket sáme mánájt ja nuorajt iellemav dålkkut ja iellemin rijbbat nav vaj sijá sáme gulluvasjvuhta ja identitehta bisoduvvá, ja mij hasot sijáv berustit ja oassálasstet girkko- ja sebrudakiellemin. Dát guoská gájkajda gudi li gástaduvvam ja li 0-18 jagága, berustahtek doajmmammáhtukvuodas

Sisadno



Ill.: Ellen Sara Reiten Bientie

Åvddåtjála

1 Dábálasj oasse

- 1.1 Moattebelak Sábme 46
- 1.2 Risstalasjvuoda dâbdomerka sáme kontevstan 47

2 Sisadno

- 2.1 Ållesvuoha ja bajemus ulmij dâlkkum 49
- 2.2 Oahppamtjalmostahttem ja sierra oahppamulme 49

3 Prinsihpalasj oasse

- 3.1 Tjanádum Vuona láhkaj ja girkkolasj plánajda 53
- 3.2 Buojkuldagá ja báhkoano – sebrudahtte jáhkkoåhpodus 54
- 3.3 Oahppam - dahpaduvvá mánás, sosiálalasj aktisasjvuodan 54

4 Pládna anon

- 4.1 Máhttolápptim 55
- 4.2 Åtsådallamjuogabme ja máhtudakjuohkem 55
- 4.3 Aktisasjbarggo sijdaj 56
- 4.4 Luojvoj guojmmebargge girkkon 56

5 Bájkálasj pládnabarggo

- 5.1 Kontevstalasj ájádallam 57
- 5.2 Åvddånahttem bájkálasj jáhkkoåhpoduspláanas 58
- 5.3 Adno bájkálasj máhtos ja máhtudagás 58
- 5.4 Guoradallam 59

Åvddåtjála

Jáhkkoåhpadusådåstusán le sáme jáhkkoåhpadus oadtjum stuoráp sajev ja ávddånahttemmáhittelisuodav Vuona girkkon. Ådåstus vaddá máhittelisuodav ávdedit jáhkkoåhpadusáv mij vuoset ja bærrájgáhtsá sáme risstalasj árbev.

Jáhkkoåhpadusådåstusá gæhtjalimbargon (2004-2008), oadtjun moadda tjoaggulvisá sáme bájkijn dárjav jáhkkoåhpadusprosjektajda ma dættov sámevuohat biedjin. Dát la máhittelisuodav vaddám ávddånahttajit risstalasj jáhkkogaskostimev sáme kontevstan Sáme girkkoráde le aj oassálásstám dán bargon. Sáme jáhkkoåhpadusprosjektaj árvustallam vuoset giella, identitehta ja kultuvrra le guovdásj biele állés jáhkkoåhpadusás, ja prosjektal i vaddám ådå ájádusájt barggovuojij ja sisano hárráj sáme jáhkkoåhpadusán. Dássta le Sáme jáhkkoåhpaduspládna ávkástallam.

Nasjonálasj jáhkkoåhpaduspládna, *Jubmel vaddá – Mij juogadip*, guosská gájka gástaduvvam mánájda ja nuorajda Vuona girkkon, aj sáme mánájda ja nuorajda. *Jubmel vaddá – Mij juogadip* vuoset moatten sajen ávdåsvásstádussaj bærrájgáhtset sáme vuojnojt jáhkkoåhpadusán. Sáme jáhkkoåhpaduspládna dán ávdåsvásstádusá sisánov snivábut tjielggi.. Návti le

jáhkkoåhpadusådåstusán máhittelisuohta ienep diedoj vadet rjika álggoálmmuga birra gájka gástaduvvam mánájda ja nuorajda Vuona girkkon.

Sámejáhkkoåhpaduspládná le nappu lasse pládna *Jubmel vaddá – Mij juogadip* pládnaj, ja dá plána galggi aktisattjat gehtjaduvvat. Lasse pládná galggá aneduvvat tjoaggulvisájn gánná li sáme máná ja nuora, váj sámevuohta bærrájgáhtseduvvá dán plánan rámmagájbbádusáj ja sisano milta

Sáme girkkoiellemi ja girkkohistávrán le sieradusá guovloj gaskan rijkav miehtáj. Bájkálasj jáhkkoåhpadusplánan galggá tjoaggulvis guovlo sáme dilijt vieledit, ja láhtjet sajev bájkálasj árbbedábijda ja variasiávnájda.

Ulmme le jáhkkoåhpadus gánná sáme jiedna gullu, ja sjaddá luondulasj oasse Vuona girkkos. Sáme jáhkkoåhpadus galggá identitehtav nannit, máná ja nuora galggi ietjasa sáme duogátjav árvulattjan vásedit. Jáhkkoiellemi la ájnas ulmusj diehtá gut sán le ja dábddá jasskavuodav ietjas identitehta hárráj, de dát máhttá giehpedit iellelav ristagissan aktijvuodan gánná iesj guhtik duogásj le sierralágási. Guorrasisip Paulusa bagádussaj ahte jáhkon Kristusij lip mij gájka avtadásálattja, berustahtek tjerdalasjvuodas, sjierves jali nasjonalitehtas.

Aktak ij le dasti juvdá jalik grehka, oarje jalik friddja, álmåj jalik nissun.
Gájka lihpit Kristus Jesusin akta
(Gal 2,28)



1.0 Dábálasj oasse

1.1 Moatobelak Sábme

Sábme le nammadus sámij árrumguovlluj, ja boahá bágos sábme, mij la sámij ietjas nammadus allasisá. Sámij le stáhtus iemeálmugin ja sijá árbbedábálasj árromguovlo gábtjá nuortalasj guovloj Vuonan, Svierigin, Suoman ja Guoládagán

Ruossjan. Sámegiella gullu suoma -ugralasj giellasuorggáj, ja giellarájá manni doarrás nammadum ríkjaj ríjkárájájs. Nuorttasámegiella, julevsámegiella ja oarjjelsámegiella li oajvvegiellasuorge Vuonan. (gehtja kártav)

1. Oarjjelsámegiella
2. Ubbmemsámegiella
3. Bihtámsámegiella
4. Julevsámegiella
5. Nuorttasámegiella
6. Anársámegiella
7. Gálldásámegiella
8. Ahkelsámegiella
9. Gielldásámegiella
10. Darjjisámegiella



Sáme ietjasa avtan álmmugin adni gielaj- ja ríjkárájáj rastá. Sáme árru ja viessu ríjkav miehtáj, ja le oassen moatobelak sáme kultuvras ja árbbedábes. Sámij sámegiellatjehpuhakka le málodusahkes. Vájku le sieradus giellamáhtudagán

de le sábme ænndu sábme. Aktisasj sáme identitehtta le tjanádum aktisasj histávrráj, kultuvrraj, giellaj ja árbbedábálasj viessomvuohkáj. Le aj kultuvralasj variasjávnán sierra sáme guovloj gaskan .Etnisitehtta vuojnnusij boahá mihtáj

baktu, sáme biktasij, dájdaj, slávggá, namáj, árbbedábálasj musihkaj ja gielaj baktu. E dal mihtá agev etnisitehtav vuosedá, dajna gó moattes, duon dan sivá diehti, e bæjvállattjat dajt anon ane.

Uddni li állo sáme árrum stádadja ja tjoahkkebjákjida árbbedábálasj sáme árromguovlo álggolin, sierraláhkáj Oslo. Sámij lähko Sámen ja Sáme álggolin rievddá dajna gó moattes áhpadusá ja bargo diehti gaskajt jáhtáli.

Sámij le lähkám guhka aktijuohuota risstalasjvuodajn. Sihke katolihkalasj girkko ávddál reformasjávná ja ortodoksalasj girkko Ruossjan le väikkudam sáme ásskuj .Misjávná sámij gaskan esski tjavggiduváj stáhtapietismá ájgen 1700-lágon, ja misjávná náaggi sámij hiejttet ávdep sáme ásskodábij. Oase sáme áskos ja kultuvras suddon ja boajtojubmiedievastussan aneduváj. 'Sámij dálusj ássko' le nammadus mij dábállattjat tjielggi dav jáhkko árbbedábev mij aneduvá ávddál gó risstalasjvuohuota sjattá ráddididdje jáhkkon Sámen. Risstalasjvuohuota le oasse sáme jáhkkohistávrás, danen le dábálasj adnet nammadusá «ávddál risstalasjvuoda sámeássko» gó galggá giehot sámi ásko birra ávddál gó dat allasis risstalasj ájádusájt ámastij.

Sámij dálusj ássko lej luonndoássko vuododum animismalasj iellemdálkkumij, gájkka viessogijn lej siello, dán láhkáj de lidjin ulmutja ja da viessoga ma ælla ulmutja aktijtjanádum. Dakkir ássko gávnnu ájn ietjá iemeálmugij gaskan. Sámij dálusj áskon lej sjamánalasj dievnastum vuohke, gánná noajdde (sjamádma) ásko jádediddjen dájmaj. Noajde doajmmaj gulluj buorádallam, ja sujna lidjin máhtudagá massta ávkástaláj gó viehkedij ulmutjijt bæjválasj rahtjamusáj. Noajdde lej aj gasskaladás jubmelij ja ulmutjij gaskan.

Gá læstadianisma ávddánij gassko 1800 lágon de lidjin sáme ietja njunnutjijin risstalasjvuoda bargon. Læstadiánalasj tjoaggulvisá lidjin vuonalasj tjähkanamsaje moatte nuortta- ja julevsábmáj, ja danna bærrájgátseduváj erit ietján sámegiella ja sálmmaárbbedáhpe. Dalla li moadda læstadiánalasj suurge Vuonan, dá li ájn ájnnasa ja bájnniji ulmutjij identitehtav moatten nuortta- ja julevsáme guovloj. Læstadiánalasj gáhtsám ittijj oarjjelsáme guovlluj áleda sämmiláhkáj gó nuortta- ja julevsámeguovlon. Oarjjelsámeguovlon farra baptista, ájlistakrádna ja adventista stuoráp sajev oadttjun. Ienemus oasse oarjjelsámijs li Vuona girkkuj gullum.

Finnemisjávná, mij mañjela namáv válđij Sámemisjávná, ásadij tjähkanimijt, guossidij ulmutjijt ja dájmadij skåvlåv ávddál gó stáhtta

dajna álgij. Vuona girkko ij le oarjjelsáme álmmuga dárbojt sierraláhkáj bærrájgáhtsám ávddál 1990-lágon. Dalloj oarjjelsáme báhppavirge ásadváj. Nidaros bisspaguovloráde ásadij aj oarjjelsáme girkkoiellemnammadusáv. Mañjela le aj diakonvirge ásadvávam. Mañjemu lágev jagé le oarjjelsáme girkkoiellem ja identitehta hukso buoragit ávddánam.

Sáme álmmuk ij le kultuvralasj mässkusin viessum, ájgij tjáda le sámij lähkám aktijuohuota ulmutjij gejn le iesjenggalágásj kulturduogásj. Gó kultuvra ejvvali, dáhpáduvvi aj rievddama.. Sáme máná ja nuora válldi oasev globaliseridum mánáj ja nuorajkultuvras. Siján le akta juolgge árbbedábálasj kultuvran ja nubbe vas ádáájggásasj væráljin. Vijddábut le sáme sebrudagán viehka aktijuohuota ietjá iemeálmuk sebrudagáj ietjá ríkjajn ja værlátsij. Jákkoáhpadus luluj viehkeit sáme nuorajt ja mánáj dálkkutjít iellemisá ja rijbatjít iellemisá. Vieritti liehket sáhka jáhkos mij duosstu dán ájge hásstalusájt, ja mij adná iesjenga ulmutja tjadnasav kultuvranis ja árbbedábenis ressurssan.

1.2 Risstalasjvuoda dábdomerka sáme kontevstan

Gávnnuj állo diedo ásskohistávrå, girkkohistávrå ja girkkoillema birra Sámen, valla állo dajs diedojs ælla tjoahkkiduvvam ælla ga tjáleduvvam. Sáme vuonalasjvuohuota ja ájádallamvuohke gullu álu sjávodis kultuvrramáhtudahkaj majt ij gávnna tjálalasj gáldojn. Vuonalasjvuohuota mij le luonnduj tjanádum subtsas ulmutjij lahkuvuoda birra luonnduj. Dat le kultuvralasj árbbe mij histávrå tjáda le rassjom, valla huoman ij le vájalduvvam. Iemeálmugij vuonalasjvuohuota le ednama ájlisvuodav dættodam, ja ulmutjij gullevasjvuodav dasi.

Guddneda áhtját ja ædnát, vaj guhkev besa dan ednamin viessot mav Hærrá Jubmelat dunji vaddá (2. Mos 20,12)

Dan ájge gó risstalasjvuohuota le lähkám Sámen de le moadda sierralágásj dábe ja gávvídime ávddánam ja dán láhkáj aj hábbmim risstalasjvuoda dádjadusáv váj la sjaddam nav gók dav uddni dábddáp. Sámij dádjadus risstalasjvuodas vuojnnusin boahtá tjoaggulvisájn ja jubmiedievastusájn gánná sáme le tjähkanam. Jákkoiellem ávddánbvteduvvá liturgija,



musihkka ja sálmaválljima baktu, iesjengalágásj kultuvralasj ja dájdalasj gáváj, sámegiela, tiebmá válljimij, tjåhkanambájkij ja aktisasjvuodaj baktu.

Girkkolasj base le ájnnasa sámijda. Mij gullu allabasijda de le iesjenga dábe iesjenga guovlojn, girkkojn, sijdajn ja læstadiánálasj tjoaggulvisáin. Gássta, konfirmasjávnnå, fiesstim ja hávddádibme le aj dahpadusá ma le ájnnasa, ja ma stuorfámiljav

ja fuolkijt aktidi. Sáme risstalasjvuoda dájjadus vuojnnusij boahá ja gaskustuvvá aj áhpädime baktu sijdajn, ságastallamijn, ja buolvaj gasska ævvvalimen.

Danen gási guovtes jali gálmás li muv namán tjåhkanam, danna lev sijá siegen
(matt 18,20)



Foto: Berit Frøyd Svineng Johnsen

2.0 Sisanooasse

2.1 Ålesvuohta ja bajemus ulmij dålkum

Sáme jáhkkoåhpodusá ulmme le viehkev vaddet systemáhtalasj ja avtatraják jáhkkoåhpodusaj mij båktå ja nanni risstalasj jáhkov, áhpat gálmaktes Jubmelav dåbdát, viehket sáme mánájt ja nuorajt iellemav dålkut ja iellemij rijbbat nav vaj sijá sáme gulluvasjvuohta ja identitehta bisoduvvá, ja mij hasot sijáv berustit ja oassálasstet girkko- ja sebrudakiellemin. Dát guoská gájkajda gudi li gástaduvvam ja li 0-18 jagága, berustahtek doajmmammáhtukvuodas. Pládna gájbet Vuona girkkon le evangelak luhterlasj oahppa vuodon. Plána sisadno galggá viehkeitit ájmon adnet, nannit ja ávdedit risstalasjvuodav vuodon sáme jáhkkuj.

Vuodon Sáme jáhkkoåhpoduspládnaj le *Jubmel vaddá - Mij juogadip*, mij la Vuona girkko bajemus jáhkkoåhpoduspládna. Sáme jáhkkoåhpoduspládná máhttá viehkeitit hiebadit bájkálasj plánajt nav vaj hiehpi bájkálasj gájbbádusájda ja rahpá nav vaj máhttá ulmijt hábbmit *Jubmel vaddá - Mij juogadip* plána lájddistime milta. Pládna galggá hiebaduvvat nav vaj hiehpá iesjenga mánna- ja nuorajuohkusa vuoksuj, ja aj vaj duosstu máhtukvuodajda ma iesjenga mánán ja nuoran le

2.2 Oahppamtjalmostahttem ja sierra oahppamulme

Nasjonálalasj plánan *Jubmel vaddá - Mij juogadip* le gálmma oase, dá gálmma oase aktan hábbmiji

åleslasj sisanov jáhkkoåhpodusás. Da biele le: 1. Iellemålkum ja rijbadibme iellemij, 2. Girkko jáhko ja árbbedábe ja 3. Rissálasj jáhko anon (bs. *Jubmel vaddá - Mij juogadip*, 3. kapihtal). Sáme jáhkkoåhpoduspládná ávddänbuktá sierra oahppamtjalmostahttemijt dájda gálmá oajvvetiemájda, nav vaj sáme perspektivva bærrágehtjaduvvá. Tjoaggulvisá gánnå le sáme máná ja nuora oadtu dajna viehkev vuojnnet ma máhti liehket guovdásj tiemá bájkálasj jáhkkoåhpodusán.

Sáme jáhkkoåhpoduspládná le sihke väedsak ja lasse ulmmedokumännta. Gáván vuollelin le tjaledum sámjguoskavaj oahppamtjalmostahttema ma le tjanádum juohkka bákkulasj oajvvetiebmáj ma le *Jubmel vaddá - Mij juogadip* plána gálmå ásijn. Tjoakke ma le lassen bákkulasj oajvvetiemájda, e boade daj ulmij sadjáj ma le plánan *Jubmel vaddá - Mij juogadip*, valla le duodden dajda. Danen de ælla moadda jáhkkoåhpodusá guovdásj tiemásj tjaledum gáván vuollelin.

Dættoduvvá gávvá vuollelin ij áles gávav sáme jáhkkoåhpodusá relevánta- oahppamulmij vuosedá. Gá tjoaggulvisá bájkálasj plánav hábbmi de bierri áhtsåt máhtteliusuodajt váldet manen ásijt ma gulluji bájkkáj, sihke gájkka oajvvetiemájda, ja aj daj tiemájda ma li guorrusa. (Ándagissaj luojtem, Fássto ja vuornádus, ja Barggo guojmmeaktijuohta)

IELLEMÐÅLKKUM JA IELLEMRIJBADIBME

Jáhkoåhpodus galggá iesjárvo dábdojt ávdedit ja mánájda ja nuorada láhtjet máhttelisvuodav ietjasa vuojnnet ja dálkkut ietjasa værıldav sjivnnedum, iehtsedum ja badjen anedum Jubmela gieresvuodaj.

Iellem ja jáhkohistávrrá

- Sáme mánáj ja nuoraj *sáme* identitehtta ávddán sihke aktijuodan sáme álmmugij ja dan histávrán ja kultuvrrárbbedábij, ja æjvalimijin stuorsebrudagájn. Sáme máná ja nuora dárbahi gávnat gielav ietjas jáhkohistávrrá mij aj gábtjá tiemát ja vásádusáj ma dasi le tjánaduvvam.

Persávnálasj ávddánibme

- Dábálasj áhpadusán bierri jáhkoåhpodus vaddet ienep diedoj sáme viessonvuoge, árvoy ja duohauodadádjadusá birra, navti gáktu ávddánbáhti lagosbirrusijin ja bájkásasj kultuvran.
- Máná ja nuora galggi mävtästuhteduvvat bisodittjat aktijuodav ietjasa ristaæjgádij vaj sij máhtti bagádusájt ja viehkev jáhko ávddánimen oadtjot, ja dan baktu oahppat ja vásedit ristaæjgádij ávdásvásstádusáv. Dat le buorre oahppa jus ietja sjaddi ristaæjgádin manjela iellem.

Stuorra gatjálvisá

- Máná ja nuora galggi oahppat dábddát sámj árbbedábasj ja ádájiggásasj luonndodájmajt ja luonndoressursaj ávkástallamav ma máhtti liehket vuodon sijá ájadallamij ja imájdallamij ulmutja saje birra Jubmela sjivnnjádusán.

Guovdásj dimensjávná ulmutja iellem

- Giella, kultuvralasj gulluvasjvuohja ja tjerdalasj moatbelakvuohja le aj guovdásj dimensjávná ulmutja iellem majna máná ja nuora bierriji bargat risstalasjvuodajn vuodon

GIRKKO JÁHKKO JA ÁRBEDÁBE

Jáhkoåhpodusán máná ja nuora galggi oahppat gálmaktes Jubmelav dábddát rámáda baktu degu Jubmela báhkon, jáhkodábdastusá, sakramentaj ja ietja guovdásj ásij baktu girkko jáhkon. Máná ja nuora galggi oahpásmuvvat risstalasj allabasij ja girkkoj masi gulluji.

1. jáhkkoartihkal

- Máná ja nuora galggi sáme subtsasij baktu sámj luonndovuojnoj ja duohtauodadádjadusáj birra oahppat, ja dajt rámátsubtsasijda tjadnat.
- Máná ja nuora galggi sámi árbbedábij vuodon bargat dádjadusájn: Jubmel sjivnnjediddjen ja ulmusj ednamis sjivnnjeduvvam.

2. jáhkkoartihkal

- Máná ja nuora galggi oahppat Jesusa ruossajábbmem ja bajástijsodtjelime le duogátjin ruossamerka guovdásj sadjáj sámj risstalasj árbbedáben.
- Máná ja nuora galggi oahppat dábddát Læstadiusa moaledimev (bágov) «Almmelasj æjgát» mij le metafávrrá Jubmelij Sjivnnjediddjen ja Lånestiddjen, ja dan moaledime sajev sábadusá dádjadusán.

3. jáhkkoartihkal

- Máná ja nuora galggi Apd 2,1-13 buohta ájádallat Ájlis Vuojnjana dájma birra Jubmela moattegielak ja moaddetjerdalasj girkkon.

Sakramenta

- Máná ja nuora galggi oahppat majt gássta ja ristaæjgáda merkahí sáme guovloj.
- Máná ja nuora galggi oahpásmuvvat bájkálasj árbbedábij ma le iehkedismállasij tjanádum.

Áhttje mijá ja råhkálvis

- Máná ja nuora galggi oahppat *Áhttje mijá* råhkálvisáv, biebbmo lähkusav ja iehkedis lähkusav ietjasa giellaj. Galggi aj oahppat bájkálasj råhkåmdábjit, duola degu «Áhttje ja Bárne ja Ájlis vuojnjana nammaj» «Jesusu namán» ja ruossamerka adnemav iesjengja iellemilálasjvuodan.

Rámát

- Máná ja nuora galggi oahpásmuvvat nuorttasámegilla, julevsámegilla ja oarjjelsámegilla rámåtjårggålimij, ja oahppat guovdásj rámáttevstajt ietjasa sámegillaj.

Girkkojage allabase ja märkkabieje

- Máná ja nuora galggi guoradallat bájkálasj sáme árbbedábijt ma le girkkojage allabasijda tjanádum, d.d. Márjjá biejvve.

Girkko

- Máná ja nuora galggi hasoduvvat kritihkalattjat gæhttjat girkko histávrálasj æjvalimev sámj, sáme jáhko- ja girkohistávrán vuodon.
- Máná ja nuora galggi oahppat sáme báhpaj Lars Levi Læstadiusa ja Anders Fjellnera birra
- Máná ja nuora galggi oahppat dábddát iesjengja sáme gielljuohkusijt Vuona girkkon, ja diehet sálma, liturgija ja ietjá girkkolasj tevsta gávnnuji sihke oarjjelsámegillaj, julevsámegillaj ja nuorttasámegillaj.
- Máná ja nuora galggi oahppat iemeálmugij dile birra væráltyjddásaj girkkon.

RISSTALASJ JÁHKO DOAJMMA

Jáhkoåhpodusán galggi máná ja nuora barggat ja gávnat majt merkaj liehket iehtsedum Jubmelis, iehtset ietjas, ietjas guojmev ja Jubmelav. Sij galggi oahppat råhkådallat, lähkát Rámádav, liehket jubmelienvnastusá ja vuosedit gieresvuodav guojmmásisá praktihkalasj solidarehta baktu. Máná ja nuora galggi bessat ávddánbuktet ietjas, ietjasa jáhkov ja ietjasa sjuggelisvuodav.

Råhkálvis

- Máná ja nuora galggi bessat vuosedit guovdásj råhkálvisájt sáme árbbedáben råhkåt.
- Máná ja nuora galggi oahppat bájkálasj sáme risstalasj árbbedábijt ma duon dan luonndoajmmaj le tjanádum.

Jubmelienvnastus

- Máná ja nuora galggi oahppat sámj jubmelienvnastus- ja tjåhkalvisárbbedábij birra, ja oadtjot máhttelisvuodav oassálasstet arenan gánná dli anon.

Rámátlåhkåm

- Máná ja nuora galggi oahppat Rámádav ja risstalasj sámegilla girjijt adnet

Lávllom, musikhka ja kultuvrra

- Máná ja nuora galggi oadtjot máhttelisvuodav ávddánbuktet ietjasa sálmajt, musikhav ja ietjá kultuvrråvddánbuktemijt.
- Máná ja nuora galggi oadtjot máhttelisvuodav vásedit bájkálasj girkkomusikhka árbbedábijt, ja duoden dasi oahpásmuvvat girkkomusikhkalasj adnuj sáme guovloj dalla.
- Máná ja nuora galggi oadtjot máhttelisvuodav árbbedábasj arenajt jáhkoåhpodusán adnet
- Máná ja nuora galggi jáhkoåhpodusá oahppama ja subtsastimij gasskavuodan adnet vädtsagijt ja vuogijt praktihkalasj bargon.
- Máná ja nuora galggi mävtästuhteduvvat sámegielav anájtj. Sihke njálmálasj ja tjálalasj bargon bierri dille látjeduvvat sámegilla adnuj.

Diakonija

- Máná ja nuora galggi oassálasstet solidaritehtabargguj gánná iemeálmumkrievtá li vuodon
- Misjávná ja ekumenikhka
- Dádjadus sáme gulluji globála iemeálmumkaktisasiyuohaj bierri tjanáduvvat misjávná oassáj jáhkoåhpodusán. Ásadir aktijuoda ietjá iemeálmugij iemeálmugijda værıldavijddásaj girkkon misjonbargo baktu jali ráddnavuodasjehadusáj baktu, vaddá aktijuodav mij båktå oassálasstemav ja æjgåtvuodamåbdojt girkko gáhtjomij.

Etihka

- Máná ja nuora galggi mävtästuhteduvvat ságastallamij ja kultuvrralánudallamij tjoaggulvisá jáhkoåhpodusdájman. Ulmme le gasskasasj árvvo ja dádjadus máná ja nuoraj gaskan gejn iesjengalágásj duogásj.

Andagis luojtem

Fássto ja vuornádus

Barggoguojmmejuogos



- Gåktus mánájt duv tjoaggulvis viehkedit sáme mánájt ja nuorajt iellemav dálkkut ja iellemir ríjbadit nav vaj sjá sáme gulluvashuohta ja identitehta bisoduvvá?
- Læstadiánálasj árbbedáben le Lutherá unna katekismatjin guovdásj sadje jáhkkoâhpadusán. Katekismus le sierraláhkáj guoskavasj resurssan tjanádum tiebmáj mij la nammadum risstalasj jáhko ja árbbedábe oase vuolen.
- Gåktu mánáhti «sáme» vuodotiemá juogeduvvat ja dárkkelappot tjielggiduvvat nav vaj jáksi gájkka mánájt ja nuorajt tjoaggulvisán?



3.0 Prinsihpalasj oasse



Foto: Karin Mathisen

3.1 Tjanádum Vuona láhkaj ja girkkolasj plánajda

Vuona stáhtta le ásaduvvam guovte álmmuga ednamij nali, dáttja ja sámij. Sámij ævto iemeálmugin Vuonan le tjáleduvvam Vuodolága § 110a. Vuodlágaparagráffa le dagádum daj ríkkagasskasoj iemeálmukkonvensjávnáj vuodon majt Vuodna le dákkiidum. Da mierredi Vuona almulasj oajválltjaun le väelogisvuohat doarjjot ja dilev láhtjet dájmajda ma positivallattja tjuolldi, gá falaldagájt vaddi ja dájmajt álgadi sámijda. Girkko le dajt prinsihpajt dákkiidam, ja välggogisvuohat le duohtan váldeduvvam jáhkkoâhpadusádastusán. Dat tjielggasijt vuojnnusijt boahtá Vuona girkko bajemus jáhkkoâhpadusplánan, *Jubmel vaddá - Mij juogadip*.

Jubmel vaddá - Mij juogadip nanostahtta sáme girkkoiellemá oasev dan árbbedáben ja aktisajvuodan mij le Vuona girkkon. Danen nammaduvvá máhtudahka sámeálmugava vuojnnusivuoda, girkkoiellemá ja árbbedábij birra ájnas árbbedáhen majt gájka gudi le gástaduvvam galggi dábddát. (bs. *Jubmel vaddá - Mij juogadip*, Kapihtal 2)

Sáme jáhkkoâhpaduspládná le ressursdokuménnta tjoaggulvisájda ma sihti sáme perspektivav jáhkkoâhpadussaj.

Märrádusá ráddidusá sámepolitihkan vájkkudi gáktu jáhkkoâhpadus sámijda organiseriduvvá girkkon. St.died. nr. 28 (2007-2008) Sámepolitihkka vuoset Vuona girkko sierra ávdåsvásstádussaj sáme girkkoiellemis. «Ávdemus vieledus gå gálgga

bærrájgáhtset sáme girkkoiellemav Vuona girkkon le ahte ávddánahttem viertti dáhpáduvvat sáme iesjdábdo ja sáme árbbedábij vuodon» (s 178). *Sáme jáhkkoâhpaduspládná* galggá sihkarasstet sámij iesjdábddo ja árbbedábe bærrájgåtseduvvi ádåstussan.

Sámelága giellajuolgasusá § 1-5 tjuottjot sámegielav ja dárogielav avtaárvvusaj giellan. Ádåjakmáno 1, biejeve 2011 rájes gulluji tjuovvovasj suohkana sámeigiella háludadusguovlluj: Guovdagaejno, Kárásjáhká, Porsángu, Unjárga, Dædno, Gájvuodna, Loabát, Divtasvuodna, ja Snåsa. Njuolgasusá gábttji nuortta-, julev-, ja oarjjsáme giellaguovlojt. Da aktse háludadussuohkana gábttji dåssju oasátjav árbbedábalasj árromguovlojs. Vuonan le dan guovlo vijjdudahka Oarjje Várjjagis Finnmark fylkas gitta oarjás Engerdalaj Hedmark fylkan. Nasjonálalasj jáhkkoâhpaduspládná tjuottjot sáme mánájt ja nuoraj riektáv áhpadussaj ja oahppanævojda ietjasa giellaj (bs. *Jubmel vaddá - Mij juogadip*, Kapihtal 8).

Duoden tsuojggiduvvá: «Tjoaggulvisájn sáme háludadusguovlon le sierra ávdåsvásstádus dilev láhtjet jáhkkoâhpadussaj mij hiehpá sáme mánájda ja nuorajda.» (bs. *Jubmel vaddá - Mij juogadip*, Ulmme ja dahko)

Tjoaggulvisá gáhtjoduvvi ietjas jáhkkoâhpaduspládná dakhmin hábbmit ulmijt ma vaddi sáme mánájda ja nuorajda máhttelisvuodav sihkaridit, bærrájgáhtset ja ávdedit sáme gielav ja kultuvrav.



3.2 Buojkuldagá ja báhkoano – sebrudahtte jáhkkoåhpodus

Sebrudahttem le dán plána vuodoprinsihppa, ja danen le sebrudahttem ájnas sáme jáhkkoåhpodusán. Sebrudahttem tjuottjot avtaárvvusasjvuodav, ij sæmmilágásjvuodav.. Ulmutja riektá liehket ietjálágásj ja huoman gullut sosiálalasj, kultuvralasj ja fágalasj aktisasjvuohat, le vuodon gá aktisasjvuodav ulmutjij gasskan galggá huksat. Sebrudahttem le danen ietja gá integrerim ja assimilerim. Integrerim ja assimilerim gájbbet soabmáisjt gudi le álgusjbielen ja gejt galggá aktisasjvuohat válldet dan baktu ahte dahkat sijáv ieneplágo lágátjin. Dat ij le sebrudahttem.

Sebrudahtte jáhkkoåhpodus gájbbet gájka ållu álgos le oassen aktisasjvuodas, ja danna oassálassti sæmmi árvvusattjat, vájku vil iesjengja gájbbádusáj. Ávdåsvássteddiddje jádediddje galggi bærrájgehtjat juohkkahasj adná ietjas oassen aktisasjvuodas. Dát gájbbet aktijvalasj jádedimev, ja máhtukvuodav ja diedov, kultuvralasj, fágalasj ja sosiálalasj sieradusáj birra ma le ulmutjij gasskan. Pedagogalasj jádediddjen vierttji liehket tjuovvovasj prinsihppa:

- avtaárvvusasjvuohat oassálasstij gasskan
- aktisasjvuohat gánná le sadje moatbelakvuohat
- mierredimoassálasstem

Dá prinsihpa tjuottjodi riektáv liehket ietjálágásj sosiálalasj, kultuvralasj, ja fágalasj rámmaj sisbielen. Da sieradi sæmmilágásjvuoda ájadallamis, mij ienebut dættot sæmmilágásjvuodav gájbbádussan, ja ij dættoda sieradusájt ma gávnnuj ulmutjij gasskan. Sæmmilágásjvuoda ideologija vaddá vuodov assimilerimij jali segregerimij ja ij hieba sebrudahttem prinsihpajda ma li vuododum AN:a ulmusjrievtesvuodajn.

Sebrudahttemprinsihpajda ij le dåssju dárbo ævvvalimij sámij ja dáttjaj gasskan, valla aj sisbielen sáme sebrudagán. Sáme sebrudagájn le aktisasjvuohat nanos. Aktisasjvuodan gájka oassálasste galggi avtaárvvusattja liehket berustahtek doajmmamáhtudagáv. Bákálasj pládná dakhkamin le ájnas bærrájgehtjat ahte máná ja nuora gænna le dárbo hiebadahattemij sebrudahteduvvi.(bs. *Jubmel vaddá – Mij juogadip*, kapittel 6)

Jáhkkoåhpodus galggá sebrudahttet gájkajt gudi li gástaduvvam ja viehkedit aktisasjvuodav huksat sámij gasskan dan nielje rijkajn gánná sáme årru. Aktisasjvuoda huksam iemeálmmperspektivjan galggá birástahettet sihke álldarav, geografijav, kultuvralasj aktijvuodav ja gielladilev. Da nammaduvvam biele lasedi moatbelakvuoda ressursboanndudagáv ja máhttoboaanndudagáv majt dábddáp sáme sebrudagás sierraláhkáj luonndomáhtudahka ja vuojnjalasjvuohat. Ulmme galggá liehket gájka dábddi ietjasa sebrudahteduvvam girkko jáhkkoaktisasjvuodan, majt jáhkkoåhpodus galggá viehkedit ja bisodit.

3.3 Oahppam - dahpaduvvá mánás, sosiálalasj aktisasjvuodan

Máná ja nuora oahppi buoremusát gá ietja oassálassti ja le aktijvalattja. Dát le Mánájlága termaj milta «mánáj oassálasstem». Mánáj oassálasstem le gá máná ja nuora bessi tjoaggulvisá dâjmajda sehkanit, plánajt dahkat ja tjadádit, gá aktijvalattjat sæbrri ja li viehken. Sidjij máhtá vatteduvvat luohtádus ja ávdåsvásstádus duola degu jubmiedievnastusájs, diakonál dievnastusájs ja luohtadusdájmajs. Dá máhti tjadáduvvat duola degu sáme- dáro jubmiedievnastusájn, gánná konfirmánta dievnasti oassen konfirmántaåhpodusás.

Jáhkkoåhpodus galggá aj viehkedit sijáv gudi li gástaduvvam viessot ristagissan risstalasj aktisasjvuoda rámaj sisbielen. Sáme jáhkkoåhpodus viertti danen láhtjet sosiála arenaj gánná mánáj ja nuoraj sáme risstalasj identitehtta nanniduvvá. Dat le máhtudaksosiologalasj bielle, dajna gá máhtudak viertti juogeduvvat jus galggá liehket jáhedahtte. Le dárbo aktisasj ævvvalimijt ásadt gánná máná ja nuora aktan máhti risstalasj aktisasjvuodav dahkat, konfirmántatjáhkanimijt, mánáj ja nuoraj tjáhkanimsajjt, sáme girkkobiejvijt, iemeálmukfestiváljat j.n.v. Tjáhkanime máhti organiseriduvvat sihke právsstädásen bispaguolvodásen, ja nasjonalálasj dásen. Dakkir tjáhkanime, gánná sáme máná ja nuora máhti ævvvalit iesjengja giella- ja geográfafasj guovlon, le ájnnasa. Sáme jáhkkoåhpodus bierri duodden tjalmostahttet moattebuolvak sosialiserimav, gánná máhti láhtjet dilev sæbrástellamij ja konsekvaentä vuogijn.

4.0 Pládna anon

4.1 Máhttolåpptim

Sáme jáhkkoåhpodus jádeduvvá sihke tjoaggulvisájs, barggoguojmíjs ja æjgádijs/åvdåstiddijs, fáddarijs ja fuolkijs sijdan ja lahkabirrusin. Tjoaggulvisá ja girkko jáhkkoåhpodus máhttá **ij-formálalasj** åhpodusássan gáhtjuduvvat, ja sijdaj jáhkkoåhpodus vas iehpeformálalasj jáhkkoåhpodusássan.

Dát le sieradussan skávlá **formálalasj jáhkkoåhpodusas**, man sisadno le åssko, iellemvuojnno ja etikhka (ÅIE).

Sáme jáhkkoåhpodus le ienemusát sijdajn ja tjáhkalvisájn dahpaduvvat, ja le avtaárvvusasj tjoaggulvisá jáhkkoåhpodusájn. Jus jáhkkoåhpodus galggá liehket avtatraják, systemáhtalasj ja bájkállatjat vuododuvvat de le ájnas aktisattjat sijdaj ja tjáhkalvisá barggat.

Tjoaggulvisá ma jáhkkoåhpodusáv jádedi bierriji gæhttjalit aktisasjbargov mánájgárdij, skávláj ja skávlläastoájgeärnigij attjudit. Máhttolåpptima oahppamplakáhtan tsuojggiduvvá skávllá galggá máhttelisvuodav láhtjet vaj bájkálasj sebrudahka bæssá åhpodusáj ávkálasj lähkáj sæbrrá. Dan baktu máhttá girkko, mij juo le ájnas oasse bájkálasj sebrudagás, liehket boanndudahkan. Dakkir aktisasjbarggo gájbet buorre ja systemáhtalasj fágalasj vuodov, buorre guládallamuogijt, ja dâhkiddidje lahkanimev, tjadáduvvat konsekvaentä vuogijn.

Dav máhtudagáv majt jáhkkoåhpodusbargge tjoaggulvisán le oahppam sijdda ja skávllá

aktisasjbargos, bierri bisoduvvat ja ássjeguoskavattjan dagáduvvat duola degu tjället ja biedjat dajt resurssabájkaj (bs. kapittel 4,2). Dán baktu le máhttelis máhtudagáv buorebut juogadit. Ulmme bákálasj tjadnasjin jáhkkoåhpoduspládnaj gánná nasjonála ulme dagáduvvvi guoskavattjan bákálasj dásen le stuorra fágalasj hásstalus. Máhtudahka moattekultuvralasj pedagogihkan ja kultuvrraanalyasan le dán bargon sierraláhkáj ássjeguoskavattja.

Sáme jáhkkoåhpodus bierri rahtjat ja tjadnat allasis formálalasj máhtudagáv degu kultuvrramáhtudagáv, moattegielakuoda birra, sámegilla- ja kultuvrramáhtov ja digitála oahpponævvoåvddánimén sámegiellaj ja dárogiellaj. Dat gullu sihke bákálasj, guovlulasj ja nasjonálalasj dássáj.

4.2 Åtsådallamjuogadibme ja máhtudakjuohkem

Sáme girkkoráde barggá arena ásadmijen gánná ressursajt ja åtsådallamijt sáme jáhkkoåhpodusás máhttá juogadit. Ulmme le nav állo gá máhttelis resurssamateriálajt le hiebaduvvat ja le sadjhin, danen galggi ádå ájádusá, tjuorggasa, skáve j.n.v. liehket sadjhin resurssabájkajn nav vaj tjoaggulvis máhttá dajt adnju välldet ja bákálasj anojda dajt hiebadit. Sáme jáhkkoåhpodusá næhttajbajkke www.jahkko.no le vuogas vædtsak sihke sijdajda ja tjoaggulvisájda.

– Le gus mijá tjoaggulvis ressursajt ásadam jali åtsådallam juojddáv mij luluj ávkken iehtjádíja ?



Gávnnu juo resurssabánjka, www.kirken.no/storstavalt/prosjekt/, diedojuoatte prosjevtaj,

dájma ja resursaj birra ma le jáhkkoåhpadusådåstusá gæhttjalimájgen gæhttjaluvvam. Hábmer ja Ribtak-vuona tjoaggulvis, Sis - Finnmark pråvsståguvillo ja Nuortta- Rana tjoaggulvis tjådadin prosjevtajt ma sierraláhkáj sámevuodav tjalmostin. Dajs prosjevtajt le máhttelisuhta arvusmahttemav ja åhpadusáv oadtjot.

Lassen Sáme girkkoráde ásat jahkásasj fáhkakonferánsajt aktisattjat Girkkolasj åhpadusguovdátijen nuorttan, danna máhti bargge ja luojoj jáhkkoåhpadusbarggoguojme æjvvalit, átsådallamijt juogadit ja lasse máhtudagáv oadtjot.

4.3 Aktisasjbarggo sijdaj

Tjoaggulvisán le, aktan æjgádij/åvdåstiddij ja ristaæjgádij, åvdåsvásstádus jáhkko iellemav ja subttasijt gaskustit. Girkko hálijt familjajt, mánájt ja nuorajt áledit. Mánáj iellemava vuostasj jagijt le æjgádij/åvdåstiddijen vuodoaktijuhta mánájn.

Dalloj le juo girkkuj ájnas buorre aktijuodav æjgádij/åvdåstiddijen ásadt, vaj máná ja nuora juo álgos oadtju máhttelisuodav girkkolanjájn oahpástuvvat ja vaj dási dábddágáhti gullevasjvuodav. Æjgádij/åvdåstiddje ja máná bierriji hasoduvvat áttjutjut buorre aktijuodav girkkoj, vaj sij aktan iehtjádij válldi oasev girkko tjoaggulvisás.

Girkko hálijt adnet moattelágásj vuogijt aktisasjbargon æjgádij/åvdåstiddij, duola degu bagádallam ja diehtojuohkem jáhkkoåhpadusá birra. Æjgádij/åvdåstiddje mánájdísá dábddi, ja diehti gáktu åhpadus buoremus láhkáj máhttá láteduvvat. Tjoaggulvisá dárbaht dajt diedoj majt æjgádij/åvdåstiddje máhti vaddet gá gájkajt galggi tjoaggulvisá dájmaida sebrudahttet.

4.4 Luojvoj guojmmebargge girkkon

Girkko dárbaht luojvoj guojmmebarggijt. Æjgáda/åvdåstiddje, ristaæjgáda ja nuora li ájnas resurssa. Daj manemus lágijt jagijt le ulmutijj miella luojvojbangguj unnum, ja da gudi ienep dájma barggi vierrtiji mávso oadtjot bargoj åvdås. Valla girkko dárbaht luojvojbanggo árbbedábev joarkket. Le ájnas bagádallat, mávtåstuhttet ja doarjot dáv ájnas bargov, gá dá ulmutja ham tjoaggulvisá dahki.

Moatten sáme guovlon le lähkám hásstalusá æjgátvuodav girkkuj ásadt. Histavrálattjat le girkko sáme guovlon lähkám degu institusjávnná mij le álgusjbieles boahtám, ja ulmutja gudi girkkov åvdåstahttin ælla lähkám lagámus ulmutjiis. Bago risstalasj ja sábme le muoddásij mielas lähkám gássjelisá. Danen bierri bájkálaattjat bargaduvvat nannimin girkkov sáme arenan. Girkko galggá liehket rabás almmuk girkkon mij sámevuodav árvvusin adná ja viehket sjávodisvuodav doadjet dan negativvalasij histavrálj mij le lähkám girkko roalla koloniserimin, misjonerimin ja assimilerimin. Sábadus le dan aktijuodan guovdásj buojkuldhaka, ja gávnnuji juo prosjevtá masi girkko le sáebrram ja tjadnam sábadimteologijav konkrehtalasj bargoja (bs. Ságastallam ja iellemrijbbam, Nuortta-Sálton). Fert guuhik tjoaggulvis máhtta iesj vuogijt gávnnaat ma sjávodisvuodav dådji ja berustimev båkti, nav vaj ienebu dábddi girkko le sebrudahtte.

Goalmát jáhkkoartihkkalin le jáhkko aktisasjvuohat tjanáduvvam: «Jáhkáv Ájlis Vuojnjanissaj, ájis gájkásasj girkkuj, állisij sebrudahtkaj ...» Vuojnjanasj aktisasjvuohat ulmutijj aktij tjadná. Danen ep goassak galggá vajálduhttet mij, aktan lagámusájimme, dahkap viesso tjoaggulvisáv. Danna lip mij gájka Jubmela gáván sivnnjedum, sáemmi álbedahkes árvujn.

- Gáktu máhtiæjgádij/åvdåstiddje ja ristaæjgáda diedojt oadtjot guoskevasj sáme oahppanævoj birra ma arvusmahti dasi ahte jáhkko le vuojnnusin ja juogaduvvá sijdan.

5.0 Bájkálasj pládnabarggo

5.1 Kontevstalasj ájádallam

Dálen le risstalasjvuoda åvddånahttem Sámen tjadáduváj masstadime ja koloniserima baktu gánná risstalasjvuohat dárogiellá ráddij, dáv la Vuona girkko miededadam. Tjoaggulvisá sáme guovloj ja daj álggolin li jáhkkoåhpadusådåstusán oadtjum stuuráp åvdåsvásstádusáv ja friddjavuodav hiebadahttjat ja dájmadittjat jáhkkoåhpadusáv gánná Kristus vuosstávaleduvvá, ja gánná kultuvralasj ja vuojnjanasj árbbedábe le vuoggon gánná jáhkko báessá sjaddat. Valla gák galggá kontevstalattjat ájádallat, ja hieret gus kultuvralasj hiebadibme åvddånbuktemav evangeliuma ja girkkulasj dábij milta?

Kontevstualiserik le sierra suorgge teologian. Ulmme le risstalasjvuodav åvddånahttet lahkarriasin, vaj bájkálasj dábe, árbbedábe, árvvovuojno ja iellemjielgadusá bájnedi risstalasjvuoda åvddånbuktemvuogijt. Gá álggogirkko málsoj juvdálasj monokultuvralasj juohkusis gáhttsámij ulmutijj moattelágásj álmmuktjerdaj, kultuvralasj ja áskulasj doagáttij, de vierrtijin árvustallat gatjálvisáv vidjurij birra evangeliuma ja kultuvra gaskan. Paulusa areopagoshálla le buorre buojkulvis gáktu vuostasj ristagisá grehkálasj guovlojn aj vierrtijin dåmadit moattekultuvralasj tjuolmajt. Paulus hålan rámpot ja lájttá Atenalattjat. Avtan bielen

rámpoduvvi gá jubmelav áhtsi, nuppen bielen vas lájteduvvi gá dievnasti konkrehtalasj jubmelvuoav mij le tiemimpelij biejadum. Areopagoshálla vuoset Jubmel lij mijá gaskan risstalasj sivnnjedimteologia milta, aj ávddál misjávnnábarggo Sámen álgaduváj.

Avtat almatjis le gájkka álmmugijt sivnnjedam. Sijáv le ábbá ednamav miehtáj árudahttám, ja mierreájijt le sidjij biejam ja rájájt maj sisbielen viessu. Dáv le dahkam vaj almatja lulun Jubmelav áhtsát ja márju aj suv lusi gábjot - ij le ham mijás avtastik guhkkenn.

(Apd 17,26-27)

Sáme sebrudagán li moattelágásj sebrudakuoge. Dá li stáda ja bájke, merraguovlo ja sisednam, sáme árru oarjján ja nuorttan, lullen ja allen. Muhtema árru gáhtjodum sáme suohkanjin, ja iehtjáda árru bájkijn gánná li dåssju dárogielak institusjávna ja gánná stivrra ja njunnjutja li dárogielaga. Jáhkkoåhpadusán sáme mánájda ja nuorajda bierri liehket vuodo sámevuodan dan láhkáj gák vuojnusij boahá bájkálaattjat, sáemmi båttá gá sáme moatbelakvuohat diedulattjan dagáduvvá. Valla le aj dárbo adnet gávájt, tjuorgastagájt ja metafávrájt sáme gielas, kultuvras, histavrás ja árbbedábijs gá járggålip risstalasj jáhko sádnesvuodajt.

- Gáktu máhttá sáme kultuvra liehket resurssa jáhkkoåhpadusán duv tjoaggulvisán?

5.2 Ávddánahttem bájkálasj jáhkkoåhpadusplánas

Plána *Jubmel vaddá - Mij juogadip ja Pládná sáme jáhkkoåhpadussaj* galggi aktijuodan vuojneduvvat vaj máná ja nuora oadtju dievalasj jáhkkoåhpadusáv. Tjoaggulvisájn gánná li sáme máná ja nuora galggá dát vieleduvvat gá bájkálasj jáhkkoåhpaduspládná dagáduvvá. Le vuordedahtte tjoaggulvisá sáme guovddaguovlojñ álliði áhpadusulmijt (tabella milta kapihttalín 2.2) ietjasa sahtedájmajn. Tjoaggulvisájn gánná sáme máná ja nuora li unneplágon bádtjiduvvi sahtedájmaj baktu áhpadusulmijt állidit. Máttida tjoaggulvisájda sjaddá máttelis ásadir sierra dájmajt gánná sáme áhpadusulme tjalmostahteduvvi. Tjoaggulvisájn gánná sáme máná ja nuora le unneplágon, máhttá liekhet máttelisvuohta muhtem sáme áhpadusulmijt duoddit vuolletiebmán daj bákkulasj oajvvetiemájda ma hábbmiduvvi plánan *Jubmel vaddá - Mij juogadip*. Jus tjadáduvvi sierra dájma sáme jali sámegielak mánájda, de le ájnas dá dájma aj tjanáduvví tjoaggulvisiellemij ietján, vaj máná e másskusij bátse tjoaggulvisaktijuodan. Divna máná ja nuora gudi oassásstti dievalasj jáhkkoåhpadusán galggi dábddát sebrudahteduvvam dan stuorra aktijuodan, ja átsádallat duogájtis le boandodibme aktijuohatj.

Náv gák rumáj le akta vájku li moadda lahtasa, ja gákka dá lahtasa avtav rubmahav dahki, náv le aj Kristusijn.
(1.Kor 12,12)

Jáhkkoåhpadusán galggá liekhet bájkálasj ávddánahttembarggo aj manjela gá tjoaggulvisá li dahkam ja dähkkidum ietjasa bájkálasj plánajt. Tjoaggulvisá galggi ádåstuhttet ietjasa jáhkkoåhpadusplánajt duolloj dálloj bærrájgåtseditjtat dárbulasj ádåstuhttemav ja ávddánahttemav. Dav majt átsádalli bájkálatjat sjaddá buorre resurssa dán bargguj.

5.3 Adno bájkálasj máhtos ja máhtudagás

Sebrudagás nuppe sebrudahkaj ja tjoaggulvisás nuppe tjoaggulvissaj le sierra vuojno ja diedo sámevuoda birra ja gák la sábmelattjan viessot. Rijkav miehtáj le aj stuorra sieradusá tjoaggulvisáj gaskan mij guosská diehtuj sáme álmmuga birra, sijá vuojnjalasj iellema, histávrå ja udnásj sebrudakdilij birra. Juska le vénesvuohta diedojs de dát ij bierri liekhet hieredus tjoaggulvissaj ávddánahtatjít fálaldagáv sáme mánájda ja nuorajda. Máttijn tjoaggulvisájn gánná sáme árru, gávnna bájkálasj máhtudagá ja átsádallama. Dá li resursa majt tjoaggulvis máhttá ávkástallat jáhkkoåhpadusán sáme mánájda ja nuorajda. Duoden ájnegis ulmutjijda, máhttá aj liekhet máttelisvuohta diedojs oadtjot sámesiebrijs, giellaja kulturguovdátjijs jali sámeskávllá- ja mánájgárdefálaldagájs lahkabirrusin.

Da tjoaggulvisá ma e gávna resurssaulmutjijt jali -birrusijt lagosbájkijn máhti duola dagu rádev áhtsát bisspaguovllokontávrájs daj bisspaguovlojñ gáenna le sierralágásj ávdásvsstádus girkkuljas dievnastusás sámegillaj (Nidaros: oarjjelsáme, Oarje-Hálogalánnda: julevsáme, Nuortta-Hálogalánnda: Nuorttasáme), jali sáme girkkorádes.

Tjähkanimvuodok áhpadibme bierri aj aneduvvat vejulasjvuohat. Aktisajbarggo tjoaggulvisáj gaskan jali pråvsstädásen, gánná ásadvvá árruha jali tjähkanime gánná jáhkkoåhpadus sáme mánájda ja nuorajda le guovdátjin. Tjähkanime duola dagu konfirmasjávnááhpadime aktijuodan viertti áttjuduvvat juohkka ájnegisá tjoaggulvisájn, vaj miere konfirmasjávnáájgen anoduvvi (bs. *Jubmel vaddá - Mij juogadip*, 5. kapihtal). Dákkir tjoavdos máhttá liekhet vejulasj unnep sáme birrusijt gánná li gallegasj luojvoj guojmmebargge, gallegasj máná ja nuora, jali guovlojñ oablodum sáme árudagáj. Tjähkanime máhti ásadir ádå æjvvalimsajjti mánájda ja nuorajda, gánná sáme perspektivva bærrájgåtseduvvá. Dajda tjoaggulvisájda gejn ij la vuojga máhtto ja máhtudahka sáme girkkoillema birra, luluj dát viehkken.

- Makkir sáme organisasjávnáj ja/jali institusjávnáj máhti tjoaggulvisá aktisattjtat barggat?
- Gáktu máhti tjoaggulvisá ávkástallat sáme organisasjávnáj ja/jali institusjávnáj máhtudagáv?

5.4 Guoradallam

Guoradallat tjoaggulvisájt ja lagosbirrasav sjaddá ájnas vuodobarggo gá ájggu bájkálasj plánav dahkat. Guovlujn gánná sáme kultuvrra le ielle sjaddá luondulasj sámevuohta aj gávviduvvá bájkálasj jáhkkoåhpadusplánan. Tjoaggulvisá sáme guovloj álgusjbielen bierriji diedojs áttjudit mánáj ja nuoraj sáme tjadnusa birra (bs. *Jubmel vaddá - Mij juogadip*, 7. kapihtal), nav vaj dâjma máhti

duoddiduvvat pládnabargguj ma sihkarassti ulmev *Plánan sáme jáhkkoåhpadusájn* (bs. Kapihtal 2.1).

Moaddi máhttá liekhet hásstalus guoradallat jus li sáme máná ja nuora suoknan, sierraláhkáj dábálasj sámij árromguovloj álgolin. E gávnna regisstara gásstá máhttá diedojs viedtjat mánáj ja nuoraj sáme duogátja birra. Tjoaggulvisá hasoduvvi strategiat gávnna guoradálatjít jus li sebrulattja sáme duogátjij, ja áttjudit buorre vuogjít diedojs jugatjít dán birra berustiddijda.

Guhkesájggásasj strategija:

- Gástadusságastallamin guoradallat jus æjgádijn/ávdåstiddijen le sáme duogásj jali sáme tjadnusa, ja jus sávvi fálaldagáv sáme jáhkkoåhpadusán ietjas mánánáj.
- Biedjat sjiemájt sadjhin, elektrávnálatjat ja páhperhámen, vaj æjgáda/ávdåstiddje máhti berustimev vuosedit jáhkkoåhpadussaj gánná sáme perspektivva bærrájgåtseduvvá.

Oanesájggásasj strategija:

- Guládallat sáme siebrij, mánájgárdij, skávláj, juohkusij ja organisasjávnáj, sihke bájkálatjat ja guovlon. Dá máhti diehtet fámiljaj sáme duogátja birra.
- Tjoaggulvistjállagij, næhttabielij ja ádåsgirrij baktu le máttelis diededit tjoaggulvis ájggu tjalmostahttet sámevuodav, ja æjgáda/ávdåstiddje bádtjiduvvi tjoaggulviskontávrájn guládallat jus sihti sáme jáhkkoåhpadus fálaldagáv